

四庫全書

集部

欽定四庫全書

成都文類卷十一

宋 扈仲榮等 編

詩

題詠二

與宋景文公唱酬牡丹詩 朱公綽

仁帥安全蜀祥葩育至和地寒開既晚春曙力終多翠  
幕遮蜂蝶朱欄隔綺羅殷勤憑驛使光景易蹉跎

答

宋祁

珍藹分清賞飛郵附翠籠  
蹄金點鬢密璋玉鏤跗紅香  
惜持來遠春應摘後空  
玩詩仍把酒恨不與君同

和提刑海棠

范鎮

不知真宰是誰專生得韶光  
此樹偏吟筆偶遺工部意  
賦詞今識翰林權風翻翠幕  
晨香入霞照危墻夕影連  
移植上園如得地芳名應在  
紫薇先

蜀先主廟古柏

裴士禹

武侯翊漢嗣始欲大神器天命固有常雲雷極屯否流  
星墮武帳萬卒摧銳氣孤負卧龍心三顧君臣意廟貌  
今寂寥握節空垂淚興廢事徒然無以窮往志陵前古  
栢樹千丈起平地根大壓巨鼇心虛藏野燧風動虬龍  
枝雷雨隨聲至疑是虛空間神明專擁庇不爾千萬年  
突兀無枯瘁觀栢又慘然念侯功業熾功業亘無窮與  
栢共蒼翠

聽運使閱道殿院撫琴

王素

中臺御史誰得名卓然閱道持直聲  
首冠豸角身衣繡  
端想正色霜稜稜上書言事語激切  
表率百辟有典刑  
前年乞守桐廬去衆口稱屈嗟沉英  
朝家惜才久難滯  
東西兩漕來誇紫銅梁巨屏實都會  
邊禦蠻夷州養兵  
生齒繁盛版賦錯歲餘百萬輸王庭  
賢哉閱道不聚斂  
抑暴損重咸使輕山園好茶甚北苑  
佳釀珍果豪相矜  
皇皇州縣交贈遺途路馳走常縱橫  
供須勞擾擔負苦  
罔卹民力無時停呵守責宰悉廢罷  
嚴於軍令威連營

人人歡聲雜和氣晝夕遍覆全蜀城姦夫貪吏縮手脚  
一道震懾今澄清我與閱道略識面傾蓋若舊都忘形  
士之忠義共所守必能感格惟至誠切磋博約日蒙益  
迭相遜避無已能閱道志節極勁挺表裏瑩徹冬壺冰  
舉族萍寓角橋上騰裝單騎趨此行雷琴一張龜一隻  
唯將二物娛幽情耿耿公屏大道左閒如隱者真禪局  
聯鑱曉入淨衆寺烟雲收拾初開晴青松脩竹綠陰合  
其間瀟灑誰構亭從容取琴撫琴弄歛襟拱手斜耳聽

數按慢舉別得法盡出意外皆研精曲名流水本宮調  
碧溜漱玉寒琤琤坐中五月汗似雨忽覺桐葉秋風生  
閱道學琴有高趣心惡鄭衛方鏗鏘惜滋南薰存舊譜  
千載之下由分明欲裨吾君踵舜德追鑒古曲歸升平

和知府仲儀聽琴詩

趙抃

洪惟至樂生太初一鼓萬類和以蘇咸章杳默不再得  
南風解愠歌有虞霈恩協氣塞天下推心置腹充肌膚  
四門悅豫比屋化至今法度存諸書嗟哉道遠朴散漫

遺音寂寞俄榛蕪文侯聽古唯恐卧仲尼嫉世倡優誅  
伯牙絕絃遂空默季札審樂徒嘻吁諠譁焦殺雜然起  
非音僻調衆耳娛天絲促柱日誇尚正聲順氣誰扶持  
天心厭物窮且變澆醇欲判如秦吳本根直使鬼神護  
嶧陽茂育寒桐孤鳴泉怪石竝左右敲風撼雪孫枝踈  
老雷一顧落斤斧絃朱軫玉徽珊瑚形模三尺韻鐘磬  
價高直恐連城無茲琴得傳數百載弊囊古匣藏吾廬  
携之造次不暫捨兩川萬里隨單車自憐指下得古趣



古人不見如合符不知誰人達公聽招琴曉出遊浮圖  
松筠颯灑塵堦絕羣喧屏息堂廡虛更張疾徐鼓流水  
清風瀝瀝生襟裾曲終四座悄無語賞音公獨勤諮諏  
公歸三嘆意未已大句落落投瓊珠遂令巾衍益氣燄  
況是黼黻增名譽愚今以琴比公治得之輿頌非敢誣  
公來西州未五月教條一出民歡呼善人得路惡失穴  
飢者稻粱寒袴襦竄排寇姦抑僥倖損削浮費清庖厨  
平刑決獄甚破竹以身率下如水壺公政中和召協氣

斯民樂易琴與俱報言坤維永安堵九重西顧何憂乎

登普賢閣觀枕榔樹留小詩

梅摯

壯年薄宦守西甌一瞬流光三十秋今見枕榔兩嘉樹  
恍如重到海邊遊

和

王素

聞說枕榔南海頭移來西蜀屢經秋自緣賦得詩情苦  
不覺攀條憶舊遊

和

蘇宋

粵商移植到西州枝幹輪囷知幾秋  
畫繡榮歸為吟賞  
再來應並赤松遊

新繁縣法要院孫太古壁畫羅漢

梅摯

絕藝知君少誰憐太古蹤佳名吾黨出  
逸格彼蒼鍾山  
狄遙偷菓田衣半剥茸鄉人當保此  
此畫世無重

留別新繁縣靈慶院僧智公  
前人

粉里歸來十二春憐師心似我心  
淳他時行滿重相見

兜率天人第幾人

觀舊題再書

前人

方丈前詩映後詩更無塵點碧紗圍老僧相顧應相笑  
不似揚州刺史歸

二十年前扣寺閣粉牆題記墨猶存重來樹老無花處  
又見闍梨白首孫

新繁縣東湖瑞蓮歌

王益

火雲爍盡天幕醒水光弄碧涼無聲荷華千柄拂煙際

傑然秀幹駢雙英天敕少昊偏滋榮宵零仙露饒金莖  
嫋嫋飄風起天末綠華璫珮來琤琤觥觴式宴資擊賞  
何人挾藻飛筆精越國亭亭八百里木蘭泛詠稱明媚  
爭如錦水派繁江孤根擢翠葩分膩紫清合曜流霞暉  
楚臺無夢朝雲飛韓虢佳人新侍寵溫泉宮裏賜霞衣  
赫赫曦陽在東井珍房萃作皇家慶流火初晨復毓靈  
連璧更疑唐傑盛眇觀熙政集元和嘉穀重榮田野歌  
高宗昔慶劉仁表五色卿雲世其少我今取喻進德流

優哉祥蓮出池沼草萊泥滓俱棄捐致君事業殊商皓  
歸作臯夔稷卨臣同心一德翊華勲

和

梅摯

東湖七月湖水平鱗波暗織簫籟聲中有植蓮一萬本  
紅漪相照搞繁英地靈氣粹不我測雙葩倏如同一莖  
黃姑織女渡銀漢蜺旌鳳葆羅空青又認英皇立湘渚  
翠華不返凝怨慕五十哀絃頓曉聲駢首低昂泣珠露  
是時主人集宴喜湖光浸筵霞脚膩朋簪我我盡才子

椽筆交輝雲藻麗酒酣倚欄惜紅暉烟素徘徊縈不飛  
魏宮甄后畫方寢髣髴有人持玉衣此邑古來無異政  
室家瘡痍何由慶三年鼠竊例皆然以薪救火火彌盛  
自公杞車政克和載途鼓腹騰謳歌公用心同日皎  
不獨于今古應少因感珍芳兩兩開玉貫珠聯當縣沼  
况我與公高適道芝歌肯迹商山皓嘉謀嘉猷思大陳  
願將此美歸華勲

蜀牋二軸獻太傅同年葉兄 司馬光

西來萬里浣花牋舒卷雲霞照手鮮書笥久藏無可稱  
願投詩客助新篇

望日與諸公會於大慈聞海雲山茶合江梅花  
開遂相邀同賞雖無歌舞實有清歡因成拙詩

奉呈

王覲

野寺山茶昨夜開江亭初報一枝梅旋邀座上逍遙客  
同醉花前漱灩盃秀色霜濃方潤澤暗香風靜更徘徊  
仙姿莫遣常情妬不帶東山妓女來



和

胡宗師

錦水黃金密印開東南時望滯鹽梅得隨劍外同為客  
幸逐花前醉倒盃白玉藥高枝瘦碧臙脂萼嫩葉低徊  
綺羅不識清詩骨須趁春風摸石來

和

劉闕名

百卉嚴寒未放開山茶映發獨江梅解顏况有花經眼  
取醉寧辭酒滿盃照日亂紅光爛漫漾流輕素影徘徊  
樽前已得春消息不待江南驛使來

和

徐彥孚

萬藥山茶傍臘開一番春信入江梅  
追游共按黃金轡縱賞還傾白玉盃  
濃豔迎風香斷續疎枝橫月影徘徊  
隼旟不負登臨興更約携朋載酒來

和

吳師孟

何處珍叢最早開海雲山茗合江梅  
忽傳詩帥邀膚使不用歌姬侍宴盃  
晚豔鮮明供綺靡晚粧清淡奉徘徊  
此時文酒風流事豈似臨江放蕩來

二色芙蓉

文同

蜀國芙蓉名二色重陽前後始盈枝  
畫調粉筆分粧處繡引紅針間刺時  
落晚自憐窺露沼忍寒誰念倚霜籬  
主人日有西園客得爾方於歡酒宜

玉局洞石恪畫天仙四壁

喻汝礪

真人何年下紫清目睛飄墮如流星  
至今玉洞通窈冥蕭然紫室之威靈  
杖履而來六月望赤旱裂石風淒冷  
歛然四壁呀欲動神怪夭矯目喪睛  
道與之貌非丹青

馭風而行誰使令雲飛電掣集帝所超然得意皆天人  
異哉石子偉丈夫胸中磊磊怪所儲玄圃之山帝所居  
子游其間墮雙鳧不然安知天上有此樂秃筆一掃凌  
方壺細看毛骨分鎔銖偉形傑狀人人殊古來列真誰  
所摹前稱關同後張圖近之豪者郭忠恕落筆拂戾如  
奔諸兩公軼蕩不拘束筆力磊砢相磨扶我來憑欄聊  
一呼隨翁聯軒上清都

合江探梅

白麟

艇子颺搖喚不回半溪清影樣疎梅有人隔岸頻招手  
和月和霜剪取來

銅馬歌

王灼

郛城村民鑿古墓遂得一銅馬高三尺許制  
作精妙前簡池守景季淵取以歸中宵風雨  
輒聞嘶聲怪之不敢留移送佛寺紹興丙子  
予以事至成都黃伯淵見索作銅馬歌

君不見武皇逸志凌九垓追風躡影思龍媒魯班門外

立銅馬天廐萬足皆塵埃又不見伏波將軍破交賊歸  
來殿前獻馬式據鞍習氣殊未衰想見老子真饗鑠兩  
京翻覆知幾秋只有山河供客愁孤烟落日蟻叢國出  
此神物於荒丘千年黃壤誰作主猶把歸心泣風雨但  
恐一朝去無蹤有似豐城寶劍化雙龍

古栢

并序

劉望之

雙流縣保國觀古栢其大連九臂乃合較孔  
明廟中栢正一倍也異時震霆焚其一幹人

以為異人伏丹其下歲久丹飛去云耳蓋嘗  
有雙鶴棲其上云

草木長生亦偶然不須聞此便談仙燒枝競說丹飛日  
舉世寧知手種年雙鶴不歸秋自冷萬牛回首句空傳  
相逢一飲清陰下與子前生定有緣

生客  
四人

次韻袁升之遊海雲寺鴻慶院山茶之什六首

蒲瀛

山茶兩本上連空疊葉棲枝占佛宮雀尾有金輪紺碧

鶴頭無火讓殷紅優於峽茗稱呼異劣與梅花氣候同  
誰識諸天雨花外道人宴坐雪霜中

年年花葉炫虛空歲月循環十二宮對植霜天無賴碧  
特開金地可憐紅長春比並何妨別密雪交加有底同  
不必傳神呼趙老君詩元在典刑中

花開似火半燒空熒惑飛來失故宮但見洛人誇魏紫  
誰知蜀國產真紅肯隨月季無時節應怪梅花有異同  
遠挈一罇誰伴我還從山裏望城中



對境那能問色空山茶花發映蓮宮  
攻餘瑟瑟風搖綠  
刑盡猩猩日曬紅大雪迷漫元斗異  
千林搖落不雷同  
何須誑汝老迦葉分付闍黎一笑中

臘月寒氷火滿空玄冥移種祝融宮  
雪霜底事論堅白  
兒女何知愛軟紅金鼎轉丹應有異  
玉沙洗水若為同  
細思造物元無物顛到繁華掌握中

花發今年喜不空遨頭肅客上蕭宮  
雪殘千嶂猶連白  
風引雙旌欲闢紅他日勲名三事在  
先春和氣萬家同

等閒草木蒙湔拔況入尋常顧盼中

彌牟鎮孔明八陣圖詩

王剛中

我稽八陣圖規模載方冊竭來鎮西蜀夔門觀疊石賦  
詩百數字字字究來歷進陟漢川西彌牟鎮之北平原  
列堆阜灘石同一式細思作者意孔明有深策高岸或  
為谷灘石存遺跡江海變桑田平原猶可覓故今兩處  
存千載必一得再歌遂成篇當有智者識

華亭山房象山

黃大輿

客游厭城市僧房見嵒壑偉石羅衆峯寒砂結層堦為  
谷既窈窕置嶺復繚邈溪源互相注花草紛已錯空聞  
先王夢徒觀楚臣作行雲在俯仰北渚應酬酢天機契  
如幻意匠起冥漠周流屬多豫寤寐欣所託有懷山中  
人從爾芳杜若

梅林分韻詩

有序

紹興庚辰十二月既望縉雲馮時行從諸朋  
舊凡十有五人携酒具出西梅林林本王建

梅苑樹老其大可庇一畝中間風雨剝裂仆  
地上屈盤如龍孫枝叢生直上尤怪古者凡  
三四酒行以舊時愛酒陶彭澤今作梅花樹  
下僧為韻分題賦詩客既占韻立者倚樹行  
者環繞仰者承鄉順者拾英吟態不一皆可  
圖畫是行也余被命造朝行事薄遽重以大  
府衣冠謁報主人饋勞酬對犇馳形神為之  
俱敝諸公導以斯游江流如碧玉平野秀潤

竹塢桑疇連延彌望民家十十五五籬落鷄  
犬比閭相親不愁不嗟余散策其間蓋不知  
向之疲荼歎苦所在也昔人謀于野則獲閒  
暇清曠有爽於精神思慮游不可廢如此哉  
又况所與游皆西州名俊意事者耶詩成次  
第不以長少以所得韻之後先聯成軸客十  
有五韻止十四呂義父別以詩字為韻又有  
首眩詩不成者缺樹字一韻余過沉犀樊允

南監鎮稅語允南補之諸公又屬時行為之  
序十五人者成都楊仲約施子一呂周輔義  
父智父澤父宇文德濟呂默夫杜少訥房仕  
成楊舜舉綿竹李無變潼川于伯永正法寶  
印老縉雲馮當可

得舊字

闕名

竹村喜紆徐江雲迷昏晝踟躕馬上語嫩寒入衣裊天  
公惜梅花破鴈開未就端待使君來春風本依舊一鐫

既相屬勿辭作詩瘦明年用和羹請為使君壽

得時字

李流謙

巾冠墮城府桔槔無停時膏脾貯黃埃非復林壑姿涎  
流方外勝秦人望軒羲萬金買閒日駕言一舒眉冒踏  
衆俊場更從百代師食魚得河魴熊蹯佐其滋黶黶烟  
雨村霜條出水蕤烏鵲噪寒暝玉立山差差置尊扶疎  
下老幹虬蛟馳落藥不動塵初無犀駭雞羞我木石資  
關公瓊琚詞深酌起自勸滕莒吾封圻公行對宣溫雲

霧生攀躋能來玩墟落足馬却蓋麾蟠胃萬蟬竦區寰  
眇毫絲以茲接羣動白羽坐指撫笑彼秦外者組紱為  
之韉它年駟馬還梅花當十園識此黃公墟下車挽客  
衣未覺邈山河一醉也大奇

得愛字

呂及之

去城十里南郊外突兀老梅余十輩玉雪為骨冰為魂  
氣象不與凡木對我來窮冬烟雨晦把酒從公對公酌  
人言此實升廟堂埋沒荒村今幾歲清芳不為無人改



捐棄何妨本根在  
瑰章妙語今得公國色天香真有待  
歸路從公巾倒戴  
俗物污人非所愛  
我公行向日邊歸  
此段風流入圖繪

得酒字

宇文師獻

平生慕英游望公真山斗一見開心誠已落他人後  
龍門豈甄擇大小俱容受  
聯轡尋勝踐春風倚尊酒惟公  
對江梅端若同志友  
玉色洗塵沙幽姿出藜莠  
命客花下坐相與沃醇酎  
非公無此客  
譬諸草木臭向晚入深

蒼蒼根歆甕牖始知水西頭卧梅勝卧柳有客三歎息  
此樹警老醜一笑客誠癡萬法要經久奇卉如尤物過  
眼不必有惠我終日香重來香在否但從此理悟那復  
長搔首念公捧召節脩名當不朽艤舟未忍去招尋訪  
林藪中心甚虛明外慕厭紛糾杖屨循古岸細話猶開  
誘再拜誦公詩一洗芻豢口

得陶字

楊大光

蟠根寄荒絕擢幹空櫟樛鄉來聞妙語剪拂到兒曹垂

老猶叵堪開落幾徒勞不謂勤杖屨惠然排蓬蒿尚能  
領諸生相就醉澄醪真賴旁輝映併覺標韻高酒闌興  
未已分韻看揮毫籍湜俱可人冥搜爭過褒乃知天地  
間一等為賢豪橫飛與陸沉亦各係所遭再煩起窮邊  
國柄行當操盡期如此花曉夕幸甄陶得備和羹用寧  
不出伊咎百年幾春風勿令心忉忉

得彭字

于格

庭柯卧蒼龍閱世如瞬彭朔風破檀藥零露滋玉英江

空人響絕影落千丈清今代文章錄縉雲主齊盟躍馬  
覘春色觴客江上亭三嗅韻勝華霜霰飽曾經及時剥  
其實可用佐大烹幸因輶軒使錫貢充廣庭王明儻予  
燭和羹登簋鉶

得澤字

僧寶印

江路歲崢嶸酸風更蕭瑟發興訪梅花主盟得詩伯孤  
芳有餘妍初不帶脂澤香度竹籬短影搖溪水碧同時  
飲中仙着我林下客春槽沸滴紅滿坐喧舉白澆胃獨

茗盃臭味曾不隔公今日邊去陛下正前席請看枝頭  
春中有和羹實反騷試與提不礙心鐵石

得今字

杜舜舉

蘭亭久陳迹脩竹空自陰龍山亦淒涼鮮花誰與簪英  
游曠千載盛事新梅林四海馮黎州未妨鐵石心提携  
到諸子徧賞江之潯亭亭姑射仙玉立何森森謝氏六  
君子對飲香滿襟西陵訪老龍奇怪尤可欽宛然如先  
生高卧歲月侵從茲飽薰風佳實共鼎鼐正味悅天下

妙用無古今去去好着鞭江南春已深

得作字

呂商隱

一樹知獨秀十里方出郭江流浩清冷露氣凝淒薄胡  
為此行色疲馬外踴躍玄冥正擅令植物困搖落身心  
縱未改佳意久已惡喜見南北枝粲然秀氷壑千林色  
輝映百畝香旁礴首破春風荒獨傲清雪虐坐令芳信  
傳芬菲到羣萼如一君子信茹連俱有託相期飲此意  
浩蕩放杯酌更應護攀折嘉實須若若終收調鼎功傳

巖真可作持問縉雲老一樽笑相酢

得梅字

馮時行

霜朝馬蹄無纖埃錦城城西江之隈金蘭合沓俱朋來  
白沙鱗鱗江水洄梅花傍江高崔嵬人言猶是王建栽  
豪華過眼浮雲哉下馬酌酒聊徘徊飛英送香來酒杯  
酒酣疾呼竹籬開走尋屋角如龍梅梅龍雖多此其魁  
睡龍屈盤肘承胷風皺雨敲封蒼苔孫枝迸出誰胚胎  
天公撫摩春為回慎勿變化隨風雷年年開花照尊壘

我欲結茅買芋煨與梅周旋送衰頽

得花字

呂凝之

出郭豈憚遠滿城無此花新枝開玉雪老樹卧龍蛇臨  
水互蔥蒨傍籬忽橫斜詩聲寫奇怪畫本出槎牙老子  
晉彭澤諸公賈長沙不尋龍李盟來嗅霜露華杖屨穿  
茆舍壺觴倩酒家饑食香馥郁醉藉影參差月白鴈成  
字江清魚可叉風流一時勝野意十倍加祗恐天上去  
迹陳錦江涯歸來馬蹄疾驚飛滿林鷗



沈黎使君與客飲王建梅林分韻作詩過沉犀  
以詩相示闕樹字令漢廣補之樊漢廣

墻頭冉冉新陽露忽作玲瓏玉千樹老蛟偃蹇獨避人  
卷回飛雪江臯暮何處鳴禽來好音四月枝垂起黃霧  
摧折霜餘初不懼笑看春光等閒度百年夢幻欲無言  
吹落吹開豈風故時來薦鼎真偶爾小住疎籬非不遇  
我知天意絕茫茫無為展轉獨多慮為花悽斷却回頭  
爾亦微酸苦難茹

得下字

施晉卿

郊原宿雨餘雪重雲垂野春信初動搖欲往豈無駕使  
君早着鞭問路逢耕者深尋烟雨村共作詩酒社庭荒  
六老樹氣象自儼雅一笑呼酒來大盆注老瓦最後看  
枯株何意當大厦天矯待風雲有年天實假須知羹鼎  
調嘉實係用舍我欲壽使君罇壘更傾瀉明朝得楚騷  
健甚無屈賈君今有錫環詔落九天下蜀江雪浪來棹  
趁舡人把留滯以諸生斯文要陶冶惟應郢中歌倡絕

和自寡更聞督熊兒夜賦燭餘燧它年看無雙聲譽出  
江夏却笑昌黎公阿買字能寫

馮先生訪梅于成都西郊同游十五人分韻哦  
詩而積不與翊日先生分僧字屬積作之

張積

春回九地陽潛升南枝破臘如酥凝踈籬度香竹稍短  
寒沙倒影溪流澄魁然老林忽駭目雪鱗矯矯雙龍騰  
天公一叱困仆地掀髯弄爪高曲肱長林望斷千百株

奮首直欲青雲凌  
黎州太守和羹手  
十里往看車呼登  
西江破曉郊路淨  
合簪者誰金蘭朋  
懽笑藉草飛大白  
行厨載酒多於澗  
風花飄搖落杯面  
漱齒澆胃如嚼冰  
湘流之清峴山瘦  
千古邂逅一笑興  
却踏東風急回首  
侵夜霜月寒生稜  
入門未坐亟相詫  
曰今見之生未曾  
成都勝事多四蜀  
我欲問津雲水僧  
先生功成早白身  
未老重來醉倚簾

得詩字

呂宜之

寒梅如高人冰雪凜風期霜威凌萬木孤芳綴疎枝古  
來歲寒心肯與時節移家家浣溪南橫斜映疎籬老樹  
更崛竒矯矯蛟龍姿中有調鼎味幾年江之湄征衫十  
里寒霜蹄快追隨先生羊叔子到處英名垂對花有妙  
想豪氣無百卮興來屬湛輩同出春容詩

十二月二十四日西樓觀雪 范成大

一夜珠簾不下鈎徹明隨雪上西樓瑤池萬頃崑崙近  
玉壘千峯滴博收已報春回南畝潤從教寒勒北枝愁

四筵更為豐年醉錄事何須較酒籌

寶相花

前人

誰把柔條夾砌栽壓枝萬朶一時開為君也著詩收拾  
題作西樓錦綉堆

雨後東郭排岸司申梅開及三分戲書小絕令  
一面開燕

前人

雨入南枝玉蘂皴合江雲冷凍芳塵司花好事相邀勒  
不著笙歌不肯春

立秋夜月

前人

已放新涼入簾紋更驅餘溽避爐熏穿雲竹月時時見  
咽露莎蛩院院聞稍喜雪山無斥堠但虞烟驛有移文  
行藏且付蘧蘧夢明發還親鴈鷺羣

前堂觀月

前人

箕踞繩床正自豪遠遊何暇讀離騷蕭森萬竹秋逾瘦  
窅兀雙楠夜更高東郭風喧三鼓市西城石沟二江濤  
色塵聲界如如現本自無禪不用逃

太平瑞聖花

前人

雪外捫參嶺烟中濯錦洲密攢文杏藥高結綵雲毬百  
世嘉名重三登瑞氣浮挽春同住下看到火西流

合江亭隔江望瑤林莊梅盛開過江訪之馬上

哦此

前人

何處春能早踈籬浪激湍竹間煙雪迫馬上晚香寒喚  
渡聊相覓巡簷得細看極知含雨意未許日烘殘

垂絲海棠

前人



春工葉葉與絲絲怕日嫌風不自持  
曉鏡為誰粧未辦  
沁痕猶自宿燕脂

西郊尋梅

前人

西郊梅花矜絕豔走馬獨來看不厭  
似羞流落蒙市塵  
寧墮荒寒傍茅店  
翛然自是世外人  
過去生中差一念  
淺顰常鄙桃李學  
獨立不容鶯蝶覘  
山樊水仙晚角出  
大是春秋吳楚僭  
餘花豈無好顏色  
病在一俗無由砭  
朱欄玉砌渠有命  
斷橋流水君何欠  
嗟予相與頗同調

身客劒南家在剡淒涼萬里歸無日蕭颯二毛衰有漸  
尚能作意晚相從爛醉不辭杯潑盞

初四日東郊觀麥苗

前人

去歲秋霖麥下遲臘殘一雪潤無泥相將飽喫潄沱飮  
來聽林間快活啼

海棠一首

范希元園

陸游

誰道名花獨故宮

謂故蜀燕王宮

東城盛麗足爭雄橫陳錦障

闌干外盡吸紅雲酒醖中貪看不辭持夜燭倚狂直欲

擅春風拾遺舊詠悲零落瘦損腰圍擬未工

老杜不應無海棠詩

意其失傳云

嘉祐院觀壁間文湖州墨竹

前人

石室先生筆有神我來拂拭一酸辛敗墻慘澹欲無色  
老氣森嚴猶逼人慣閱冰霜元耐久恥隨兒女更爭春  
紛紛可笑空摹擬爾輩毫端萬斛塵

賦成都碧雞坊李氏石君

事見成都古今記中蓋湖石之最大而奇

者著名舊矣

孫松壽

造化小兒斲山骨幾年流落蛟龍窟太湖一碧浸玻璃  
瀾吞浪吐窮奔突瑰奇未許困泥沙漂出江臯空峽岼  
清寒偃蹇如高人肯向蓬蒿念埋沒曩聞上苑饒奇珍  
千形萬狀高嶙峋當年搜索困山海毳包席裹車麟麟  
規模豈但肖五嶽氣象直欲凌三神一朝胡馬窺城下  
例隨矢石荒荆榛憐君分落幽人手不逐爾輩汙塵垢  
首陽寂寞伯夷清瀟湘冷落三閭瘦李侯胸中飽雲夢  
得君不用斯瓊玖館之舊隱與周旋竹士松賓三益友

相看一洗名利心眉宇更清元德秀君今幾世德未衰  
霜寒玉立癯而壽咄嗟世眼多嗜好玩形忘理十八九  
奇章所蓄森琅玕名標甲乙空紛然到溉奇礪高岑嶺  
一擲徒為負進錢石君於汝非不厚較其所得無何有  
願公世濟此君為不朽

賦張白雲先生故居溪上菊 前人

金衣綠裳僊不羈春風餘飄搖清江練服佩玄圃珠欲  
驂冲霄鸞鞭起橫海魚

是夜遊魚躍出因廣此意

天遊浩無際妙寄

良可娛

借遷為喻  
寄此清賞

賦蓬仙觀古楠

犀浦鎮蓬真人舊隱有四大楠甚古其事已經見成都記

前人

風雨縱橫八面看巍然此柱欲擎天壯心已與雲龍會  
彈指消磨八百年

十月過昭覺庭梅蕭然已動人意因作二十八

字

李燾

厭逐遊人藥市行  
覓來心迹喜雙清  
疎風細雨荒庭菊  
便覺梅花暗有情

觀施氏芍藥呈同遊者

前人

怪底吹殘萬點紅，餘妍都在此花中。  
攀枝未許風流盡，振袂還知結習空。  
杳杳人誰贈，南國菲菲身恐墮。  
仙宮乞將新雨醺，佳麗始信青春不負公。

成都施氏園海棠方盛時覓酒徑醉二月九日

前人

漆根著色謝天公，破睡猶禁一再風。  
為此徑須浮大白，老夫元自愛深紅。

臘日游梅龍以雪後園林纔半樹為韻得樹字

楊甲

年年看梅水西路白頭溪翁眼如故重來笑龍老不死  
我亦風埃憶歸去酒酣百怪入我腸夜半恍惚與龍遇  
醉騎一尾天上歸陳迹江頭不知處梅花勸汝一杯酒  
千歲一寒真旦暮欲將老大要風雪穴蟻窠虫已無數  
成都萬事更奇古石笋猶疑卿相墓孔明廟前柏千尺  
神物脩脩泣幽樹它時滅壞亦同趣人生誰能一長顧



浮雲天地不須論但願人間有詩句


庚寅再遊

前人

霜頭馬郊鞭影西欲尋遠梅無舊蹊但聞草木皆有香  
未到已識花前溪艤舟登岸入梅處竹樹煙火茅茨低  
百年死樹虫蘚暗鱗甲漠漠僵橫霓老翁鼻祖頭雪白  
下見兒女方勝筭數株無力已仆地強起放春花滿畦  
瘦龍夭矯欲仙去脊尾一半埋沙泥雷公幾時獵幽蟄  
夜半刀斧來剗剗野人往往多再拜疑有鬼物憑其栖

問樵訪牧不知歲韶亂已見今髣髴故人同遊六七輩  
或似醉阮林中嵇遶樹覓花不識路東邊犬吠西號雞  
榼中但有酒清濁寒具野檐勤携齋引之各各坐香樹  
醉中採擷欲滿提誰言猶是蜀梅苑破丘斷壟山蒿藜  
種花滿地作癡計隨手變化空塵壑只餘老樹香不滅  
力戰風雨猶堅屏云何身槁心尚在花氣鬱鬱連雲霓  
但印此香可飲酒笑取身世如稗穉竹寒沙碧夜來語  
回首千載餘幽題榮枯過眼如一夢世網忽掛如牢狴

何時江村一曲路與子共賦歸來兮



成都文類卷十一

欽定四庫全書

集部

成都文類卷十二

詳校官左中允<sub>臣</sub>瑋五珠

助教<sub>臣</sub>常循覆勘

總校官知縣<sub>臣</sub>繆琪

校對官編修<sub>臣</sub>邱庭澄

謄錄監生<sub>臣</sub>沈牲

欽定四庫全書

成都文類卷十二

宋

扈仲榮等

編

詩

贈送一

贈袁天綱

唐杜淹

伊呂深可慕松喬定是虛繫風終不得脫屣欲安如且  
珍紉素美當與薜蘿疎既逢楊得意非復久閒居

送吳七遊蜀

唐駱賓王

日觀分齊壤，星橋抵蜀門。  
桃花嘶別路，竹葉渦離樽。  
夏盡蘭猶茂，秋新柳尚繁。  
霧銷山望迥，風高野聽喧。  
勞歌徒欲奏，贈別竟無言。  
唯有當秋月，空照野人園。

送宋休遠之蜀

唐張說

求友殊損益，行道異窮申。  
綴我平生氣，吐贈薄遊人。  
結恩事明主，忍愛遠辭親。  
色麗成都俗，膏腴蜀水濱。  
如何從宦子，堅白共緇磷。  
日月千齡旦，河山萬族春。  
懷鉛書

瑞府橫草事邊塵不及安人吏能令王化淳

入奏行

贈西山檢察使竇侍御

唐杜甫

竇侍御驥之子鳳之鵠年未三十忠義俱骨鯁絕代無  
烱如一段清水出萬壑置在迎風寒露之玉壺蔗漿歸  
厨金盃凍洗滌煩熱足以寧君軀政用踈通合典則戚  
聯豪貴耽文儒兵革未息人未蘇天子亦念西南隅吐  
蕃憑陵氣頗麤竇氏檢察應時須運糧繩橋壯士喜斬  
木火井窮猿呼八州刺史思一戰三城守邊却可圖此

行入奏計未小密奉聖旨恩宜殊繡衣春當霄漢立綠  
服日向庭闈趨省郎京尹必俯拾江花未落還成都肯  
訪浣花老翁無為君酤酒滿眼酤與奴白飯馬青刍

將赴成都草堂途中有作先寄嚴鄭公五首

前人

得歸茅屋赴成都直為文翁再剖符但使閭閻還揖讓  
敢論松竹久荒蕪魚知丙穴由來美酒憶郫筒不用酤  
五馬舊曾諳小徑幾回書劄待潛夫



處處青江帶白蘋故園猶得見殘春雪山斥堠無兵馬  
錦里逢迎有主人休怪兒童延俗客不教鵝鴨惱比鄰  
習池未覺風流盡况復荊州賞更新

竹寒沙碧浣花溪菱刺藤梢咫尺迷過客徑須愁出入  
居人不自解東西書籤藥裹封蛛網野店山橋送馬蹄  
肯藉荒庭春草色先拚一飲醉如泥

常苦沙崩損藥欄也從江檻落風湍新松恨不高千尺  
惡竹應須斬萬竿生理祇憑黃閣老衰顏欲付紫金丹

三年奔走空皮骨信有人間行路難

錦官城西生事微烏皮几在還思歸昔去為憂亂兵入  
今來已恐鄰人非側身天地更懷古回首風塵甘息機  
共說揔戎雲鳥陣不妨遊子芰荷衣

贈王二十四侍御契四十韻

前人

往往雖相見飄飄愧此身不關輕紱冕俱是避風塵一  
別星橋夜三移斗柄春敗亡非赤壁奔走為黃巾子去  
何蕭灑余藏異隱淪書成無過鴈衣故有懸鶉恐懼行

裝數伶俖卧疾頻曉鶯工迸淚秋月解傷神會面嗟顰  
黑含悽話苦辛接輿還入楚王祭不歸秦錦里殘丹竈  
花溪得釣綸消中祇自惜晚起索誰親伏柱聞周史乘  
槎似漢臣鴛鴻不易狎龍虎未宜馴客即掛冠至交非  
傾蓋新由來意氣合直取性情真浪跡同生死無心恥  
賤貧偶然存蔗芋幸各對松筠麕飢依他日窮愁怪此  
辰女長裁褐穩男大卷書勻瀕口江如練蠶崖雪似銀  
名園當翠巘野棹沒青蘋屢喜王侯宅時邀江海人追  
隨

不覺晚款曲動彌旬但使芝蘭秀何須棟宇鄰山陽無  
俗物鄭驛正留賓出入竝鞍馬光輝叅席珍重遊先主  
廟更歷少城闔石鏡通幽魄琴臺隱絳唇送終惟糞土  
結愛獨荆榛置酒高林下觀棊積水濱區區甘累跼稍  
稍息勞筋網聚粘圓鯽絲繁煮細蓴長歌敲柳癭小睡  
凭藤輪農月須知課田家敢忘勤浮生難去食良會惜  
清晨列國兵戈暗今王德教淳要聞除猘獠休作畫麒麟  
洗眼看輕薄虛懷任屈伸莫令膠漆地萬古重雷陳

不覺晚欵曲動彌旬但使芝蘭秀何須棟宇鄰山陽無  
俗物鄭驛正留賓出入竝鞍馬光輝叅席珍重遊先主  
廟更歷少城闔石鏡通幽魄琴臺隱絳唇送終惟糞土  
結愛獨荆榛置酒高林下觀棊積水濱區區甘累趼稍  
稍息勞筋網聚粘圓鯽絲繁煮細蓴長歌敲柳癭小睡  
凭藤輪農月須知課田家敢忘勤浮生難去食良會惜  
清晨列國兵戈暗今王德教淳要聞除猘獠休作畫麒麟  
洗眼看輕薄虛懷任屈伸莫令膠漆地萬古重雷陳

蓮花欲暮春日鬢俱蒼為問南溪竹抽梢合過牆

公安送李二十九弟晉肅入蜀余下沔鄂

前人

正解紫桑纜仍看蜀道行檣烏相背發塞鴈一行鳴南  
紀連銅柱西江接錦城憑將百錢卜飄泊問君平

送竇九歸成都

前人

文章亦不盡竇子才縱橫非爾更持節何人符大名讀  
書雲閣觀問綃錦官城我有浣花竹題詩須一行

筵花欲暮春日鬢俱蒼為問南溪竹抽梢合過牆  
公安送李二十九弟晉肅入蜀余下沔鄂

前人

正解柴桑纜仍看蜀道行檣烏相背發塞鴈一行鳴南  
紀連銅柱西江接錦城憑將百錢卜飄泊問君平

送竇九歸成都

前人

文章亦不盡竇子才縱橫非爾更持節何人符大名讀  
書雲閣觀問綃錦官城我有浣花竹題詩須一行

効小忠周防期稍稍太簡遂忽忽曉入朱扉啓昏歸晝  
角終不成尋別業未敢息微躬烏鵲愁銀漢鴛鴦怕錦  
幃會希全物色時放倚梧桐

贈蜀僧閻丘師兄

太常博士  
均之孫

前人

大師銅梁秀籍籍名家孫嗚呼先博士炳靈精氣奔惟  
昔武皇后臨軒御乾坤多士盡儒冠墨客靄雲屯當時  
上紫殿不獨卿相尊世傳閻丘筆峻極逾崑崙鳳藏丹  
霄暮龍去白水渾青瑩雪嶺東碑碣舊製存斯文散都



効小忠周防期稍稍太簡遂忽忽曉入朱扉啓昏歸晝  
角終不成尋別業未敢息微躬烏鵲愁銀漢驚駘怕錦  
幪會希全物色時放倚梧桐

贈蜀僧問丘師兄

太常博士  
均之孫

前人

大師銅梁秀籍籍名家孫嗚呼先博士炳靈精氣奔惟  
昔武皇后臨軒御乾坤多士盡儒冠墨客靄雲屯當時  
上紫殿不獨卿相尊世傳問丘筆峻極逾崑崙鳳藏丹  
霄暮龍去白水渾青熒雪嶺東碑碣舊製存斯文散都

成都猛將有花卿學語小兒知姓名用如快鶻風火生  
見賊唯多身始輕綿州副使著柘黃我卿掃除即日平  
子章髑髏血模糊手提擲還崔大夫李侯重有此節度  
人道我卿絕世無既稱絕世無天子何不喚取守京都

寄邛州崔錄事

前人

邛州崔錄事聞在果園坊

坊名在成都

久待無消息終朝有

底忙應愁江樹遠怯見野亭荒浩蕩風烟外誰知酒熟  
香

成都猛將有花卿學語小兒知姓名用如快鶻風火生  
見賊唯多身始輕綿州副使著柘黃我卿掃除即日平  
子章髑髏血模糊手提擲還崔大夫李侯重有此節度  
人道我卿絕世無既稱絕世無天子何不喚取守京都

寄邛州崔錄事

前人

邛州崔錄事聞在果園坊

坊名在成都

久待無消息終朝有

底忙應愁江樹遠怯見野亭荒浩蕩風烟外誰知酒熟

香

前人

雨映行宮辱贈詩元戎肯赴野人期  
江邊老病雖無力  
強擬晴天理釣絲

何日雨晴雲出谿  
白沙青石先無泥  
只須伐竹開荒徑  
拄杖穿花聽馬嘶

酬高使君相贈

前人

古寺僧牢落空房客寓居  
故人供祿米鄰舍與園蔬  
雙樹容聽法三車肯載書  
草玄吾豈敢賦或似相如

前人

雨映行宮辱贈詩元戎肯赴野人期江邊老病雖無力  
強擬晴天理釣絲

何日雨晴雲出谿白沙青石先無泥只須伐竹開荒徑  
拄杖穿花聽馬嘶

酬高使君相贈

前人

古寺僧牢落空房客寓居故人供祿米鄰舍與園蔬雙  
樹容聽法三車肯載書草玄吾豈敢賦或似相如

守舊柯為吾謝賈公病肺卧江施

赴青城縣出成都寄陶王兩少尹

前人

老被樊籠役

一云老耻妻孥笑

貪嗟出入勞客情投異縣詩態

憶吾曹東郭蒼江

一云滄浪

合西山白雪高文章差底病迴

首興滔滔

敬簡王明府

前人

葉縣郎官宰周南太史公神仙才有數流落意無窮驥

守舊柯為吾謝賈公病肺卧江沱

赴青城縣出成都寄陶王兩少尹

前人

老被樊籠役

一云老耻妻孥笑

貧嗟出入勞客情投異縣詩態

憶吾曹東郭蒼江

一云滄浪

合西山白雪高文章差底病迴

首興滔滔

敬簡王明府

前人

葉縣郎官宰周南太史公神仙才有數流落意無窮驥

錦城絲管日紛紛半入江風半入雲此曲祇應天上有人間能得幾回聞

寄杜位

位京中宅近西  
曲江詩尾有述

前人

近聞寬法離新州想見懷歸尚百憂逐客雖皆萬里去  
悲君已是十年流干戈況復塵隨眼鬢髮還應雪滿頭  
玉壘題書心緒亂何時更得曲江遊

送裴五赴東川

前人

故人亦流落高義動乾坤何日通燕塞相看老蜀門東



錦城絲管日紛紛半入江風半入雲此曲祇應天上有  
人間能得幾回聞

寄杜位

位京中宅近西  
曲江詩尾有述

前人

近聞寬法離新州想見懷歸尚百憂逐客雖皆萬里去  
悲君已是十年流干戈况復塵隨眼鬢髮還應雪滿頭  
玉壘題書心緒亂何時更得曲江遊

送裴五赴東川

前人

故人亦流落高義動乾坤何日通燕塞相看老蜀門東

有客騎驄馬江邊問草堂  
遠尋留藥價惜別到文場  
入幕旌旗動歸軒錦繡香  
時應念衰疾書跡及滄浪

徐九少尹見過

前人

晚景孤村僻行軍數騎來  
交新徒有喜禮厚媿無才  
賞靜連雲竹忘歸步月臺  
何當看花藥欲發照江梅

范負外吳侍御特枉駕闕展待聊寄此

前人

暫往比鄰去空聞二妙歸  
幽棲誠簡略衰白已光輝  
野

有客騎驄馬江邊問草堂  
遠尋留藥價惜別到文場  
入幕旌旗動歸軒錦繡香  
時應念衰疾書跡及滄浪

徐九少尹見過

前人

晚景孤村僻行軍數騎來  
交新徒有喜禮厚媿無才  
賞靜連雲竹忘歸步月臺  
何當看花藥欲發照江梅

范負外吳侍御特枉駕闕展待聊寄此

前人

暫往比鄰去空聞二妙歸  
幽棲誠簡略衰白已光輝  
野

斷盃中物祇看座右銘不能隨皂蓋自醉逐浮萍

策杖時能出王門異昔遊已知嗟不起未許醉相留蜀  
酒濃無敵江魚美可求終思一酩酊淨掃硯池頭

羣盜無歸路衰顏會遠方尚憐詩警策猶記酒顏狂魯  
衛彌尊重徐陳略喪亡空餘枚叟在應念早升堂

贈別賀蘭鈺

前人

黃雀飽野粟羣飛動荆榛今君抱何恨寂寞向時人老  
驥倦驤首蒼鷹愁易馴高賢世未識固合嬰飢貧國步

斷盃中物祇看座右銘不能隨皂蓋自醉逐浮萍

策杖時能出王門異昔遊已知嗟不起未許醉相留蜀  
酒濃無敵江魚美可求終思一酩酊淨掃硯池頭

羣盜無歸路衰顏會遠方尚憐詩警策猶記酒顏狂魯  
衛彌尊重徐陳略喪亡空餘枚叟在應念早升堂

贈別賀蘭鈞

前人

黃雀飽野粟羣飛動荆榛今君抱何恨寂寞向時人老  
驥倦驤首蒼鷹愁易馴高賢世未識固合嬰飢貧國步

杜陵野老骨欲折南山豆苗早荒穢青門瓜地新凍裂  
鄉里兒童項領成朝廷故舊禮數絕自然棄擲與時異  
况乃踈頑臨事拙飢卧動即向一句弊裘何啻聯百結  
君不見空牆日色晚此老無聲淚垂血

樊廬遣興奉寄嚴公

前人

野水平橋路春沙映竹村風輕粉蝶喜花暖蜜蜂喧把  
酒宜深酌題詩好細論府中瞻暇日江上憶詞源跡忝  
朝廷舊情依節制尊還思長者轍恐避席為門

杜陵野老骨欲折南山豆苗早荒穢青門瓜地新凍裂  
鄉里兒童項領成朝廷故舊禮數絕自然棄擲與時異  
況乃踈頑臨事拙飢卧動即向一旬弊裘何啻聯百結  
君不見空牆日色晚此老無聲淚垂血

樊廬遣興奉寄嚴公

前人

野水平橋路春沙映竹村風輕粉蝶喜花暖蜜蜂喧把  
酒宜深酌題詩好細論府中瞻暇日江上憶詞源跡忝  
朝廷舊情依節制尊還思長者轍恐避席為門

贈杜二拾遺

前人

傳道招提客詩書自討論  
佛香時入院僧飯屢過門  
聽法還應難尋經剩欲翻  
草玄今已畢此後更何言

送裴頤侍御使蜀

唐錢起

柱史纔年四十強鬢髯  
玄髮美清揚朝天繡服承恩貴  
出使星輶滿路光錦水繁花添麗藻  
峨嵋明月引飛觴多才自有雲霄望  
計日應追鴈鷺行

送成都李宰

前人



安人發廟算此邑寄英髦何以報知已平生一寶刀自  
憐切玉利寧憚割雞勞願子立清政冰壺照緼袍惠慈  
蘇疾苦禮義待賢豪錦水與文絢岷山將德高舉能無

闕  
當路闕

送友人入蜀

前人

遠路接天末憐君與我違客塵千嶂裏鳥道片雲飛樹  
色連青漢泉聲出翠微錦城花月下才子定忘歸

送柳震歸蜀

唐司空曙

白日雙流靜西看蜀國春  
桐花能乳鳥竹節競祠神  
蹇步徒相望先鞭不可親  
知從江僕射登榻更何人

送密秀才吏部駁放後歸蜀

唐權德輿

蜀國本多士雄文似相如  
之子西南秀名在賢能書  
薄祿且未及故山念歸歟  
迢迢三千里返駕一羸車  
玉壘長路盡錦江春物餘  
此行無慍色知爾戀休廬

送柳侍御裴起居

唐武元衡

沱江水淥波喧鳥去喬柯南浦別離處東風蘭麝多長  
亭春婉婉層漢路蹉跎會有歸期日班超奈老何

送蜀客

唐張籍

蜀客南行聽碧雞木綿花發錦江西山橋日晚行人少  
時見猩猩樹上啼

送客遊蜀

前人

行盡青山到益州錦城樓下二江流杜家曾向此中住  
為到浣花溪水頭

寄薛濤

唐元稹

錦江滑膩峨眉秀，生得文君與薛濤。  
言語巧偷鸚鵡舌，文章分得鳳凰毛。  
紛紛詞客多停筆，箇箇君侯欲夢刀。  
別後相思隔煙水，菖蒲花發五雲高。

貽蜀五首

并序

前人

元和九年蜀從事韋臧文告別蜀多朋舊，稹性  
懶，為寒溫書因賦代懷五章而贈行亦在其數。  
病馬詩寄上李尚書。

寄薛濤

唐元稹

錦江滑膩峨眉秀，生得文君與薛濤。  
言語巧偷鸚鵡舌，文章分得鳳凰毛。  
紛紛詞客多停筆，箇箇君侯欲夢刀。  
別後相思隔煙水，菖蒲花發五雲高。

貽蜀五首

并序

前人

元和九年蜀從事韋臧文告別蜀多朋舊，稹性  
懶，為寒溫書因賦代懷五章而贈行亦在其數。  
病馬詩寄上李尚書。

為我殷勤盧子蒙近來無復昔時同懶成積疹推難動  
禪盡狂心鍊到空老愛早眠虛夜月病妨盃酒負春風  
唯公兩弟閒相訪往往潛然一望公

張校書元夫

未面西川張校書書來稠疊頗相於我聞聲價金應敵  
衆道風姿玉不如遠處從人復謹慎少年為事要舒徐  
勸君便是酬君愛莫比尋常贈鯉魚

韋兵曹臧文

為我殷勤盧子蒙近來無復昔時同  
懶成積疹推難動  
禪盡狂心鍊到空  
老愛早眠虛夜月  
病妨盃酒負春風  
唯公兩弟閒相訪  
往往潛然一望公

張校書元夫

未面西川張校書  
書來稠疊頗相於  
我聞聲價金應敵  
衆道風姿玉不如  
遠處從人復謹慎  
少年為事要舒徐  
勸君便是酬君愛  
莫比尋常贈鯉魚

韋兵曹臧文

花落鳥嚶嚶南歸稱野情月宜秦嶺宿春好蜀江行鄉  
路通雲棧郊扉近錦城烏臺陟崗送人羨別時榮

送友人遊蜀

唐賈島

萬岑深積翠路向此中難欲暮多羈思因高莫遠看卓  
家人寂寞楊子業凋殘唯有岷江水悠悠帶月寒

送朱休歸劔南

前人

劔南歸受賀太學賦聲雄小路長江岸朝陽十月中牙  
新抽雪茗枝重集猿楓卓氏琴臺廢深蕪想徑通



送李評事使蜀

唐王建

勸酒不依巡明朝萬里人轉江雲棧細近驛板橋新石  
冷啼猿影松香戲鹿塵少年為客好况是益州春

上武元衡相公

前人

旌旗坐鎮蜀江雄帝命重開舊閣崇褒貶唐書天厯上  
捧持堯日慶雲中孤情迥出鸞皇遠健思潛搜海岳空  
長得蕭何為國相自西流水盡朝宗

寄蜀中薛濤校書

前人

萬里橋邊女校書  
枇杷花裏閉門居  
掃眉才子無多少  
管領春風揔不如

酬西川尚書李德裕

唐王播

昔年獻賦去江湄  
今日行春到始悲  
三徑尚存新竹樹  
四鄰惟見舊孫兒  
壁間潛認偷光處  
川上寧忘結網時  
更見橋邊記名字  
始知題柱免人嗤

寄王播侍御求蜀箋

唐鮑溶

蜀川箋紙綵雲初  
聞說王家最有餘  
野客思將池上學

石楠紅葉不堪書

送馬向遊蜀

唐徐凝

遊子去咸京巴山萬里程白雲連鳥道青壁連猿聲雨  
露經泥坂煙花望錦城工文人共計應記蜀中行

送雍陶遊蜀

唐姚合

春色三千里愁人意未開木梢穿棧出雨勢隔江來荒  
館因花宿深山羨客迴相如何物在應只有琴臺

送任尊師歸蜀覲親

前人

白雲修道者偶去春風前玉簡通仙籍金丹駐少年錦  
文江一色蜀道路三千衆說君平死真師易義全

送友人遊蜀

前人

送君一壺酒相別野庭邊馬上過秋色舟中到錦川峽  
猿啼夜雨蜀鳥噪晨煙莫便不迴首風光促幾年

送林立歸蜀

前人

迢遞三千里西南是去程杜陵家已盡蜀國客重行雪  
照巴江色風吹棧閣聲馬嘶山稍暖人語店初明旅夢

白雲修道者偶去春風前玉簡通仙籍金丹駐少年錦  
文江一色蜀道路三千衆說君平死真師易義全

送友人遊蜀

前人

送君一壺酒相別野庭邊馬上過秋色舟中到錦川峽  
猿啼夜雨蜀鳥噪晨煙莫便不迴首風光促幾年

送林立歸蜀

前人

迢遞三千里西南是去程杜陵家已盡蜀國客重行雪  
照巴江色風吹棧閣聲馬嘶山稍暖人語店初明旅夢

寄成都高苗二從事

前人

家近紅渠曲水濱  
全家羅襪起秋塵  
莫將越客千絲網  
網得西施別贈人

寄成都高苗二從事是時二公從事商隱坐主

府

前人

紅蓮幕下紫黎新  
命斷湘南病渴人  
今日問君能寄否  
二江風水接天津

尋龍華山廣宣上人

唐段文昌

寄成都高苗二從事

前人

家近紅渠曲水濱  
全家羅襪起秋塵  
莫將越客千絲網  
網得西施別贈人

寄成都高苗二從事是時二公從事商隱坐主

府

前人

紅蓮幕下紫黎新  
命斷湘南病渴人  
今日問君能寄否  
二江風水接天津

尋龍華山廣宣上人

唐段文昌

可畏登龍入紫微富貴不由翁祖致文章生得羽毛飛  
廣都再去應惆悵猶有江邊舊釣磯

送蜀客

唐張祐

楚國去岷江西南指天末平生不達意萬里船一發行  
行三峽夜十二峯頂月哀猿別曾林忽忽聲斷咽嘉陵  
水初漲巖嶺耗積雪不妨高唐雲却籍宋玉說峨眉遠  
凝黛脚底谷洞穴錦城晝氤氲錦水春活活成都滯遊  
地酒客須醉殺莫戀卓家壚相如已屑屑



贈蜀將一首

蠻入成都  
頻著功勞

唐溫庭筠

十年分散劔關秋，萬事皆隨錦水流。  
心氣已曾明漢節，功名猶自滯吳鉤。  
鵬邊認箭寒雲重，馬上聽笳塞草愁。  
今日逢君倍惆悵，灌嬰韓信盡封侯。

奉和門下相公送西川相公兼領相印出鎮全  
蜀詩十八韻

唐杜牧

盛業冠伊唐，台階翊戴光。  
無私天雨露，有截舜衣裳。  
蜀輟新衡鏡，池留舊鳳凰。  
同心真石友，寫恨葭河梁。  
虎騎

搖風旆貂冠韻水蒼彤弓隨武庫金印逐文房棧壓嘉陵咽峯橫劒閣長前驅二星去開險五丁忙回首崢嶸盡連天草樹芳丹心懸魏闕往事愴甘棠治化輕諸葛威聲懾夜郎君平教說卦犬子召升堂塞接西山雪橋維萬里檣奪霞江錦爛撲地酒壚香忝逐三千客曾依數仞牆滯頑堪白屋攀附亦周行肉管伶倫曲簫韶清廟章唱高知和寡小子斐然狂

送人入蜀

唐李遠

蜀客本多愁君今是勝遊  
碧藏雲外樹紅壓驛邊樓  
杜宇呼名語巴江學字流  
不知煙雨夜何處夢刀州

賀裴庭裕登第

唐李搏

銅梁千里曙雲開  
仙籙新從紫府來  
天上已張新羽翼  
世間無復舊塵埃  
嘉禎果中君平卜  
賀喜須斟卓氏盃  
應笑戎藩刀筆吏  
至今泥滓曝魚腮

又戲贈裴庭裕

前人

曾隨風水化凡鱗  
安上門前一字新  
聞道蜀江風景好

不知何似杏園春

答李搏

唐裴庭裕

何勞問我成都事亦報君知便納降蜀柳籠堤煙

直直直

海棠當戶鶯雙雙富春不並窮師子濯錦全勝早曲江

高捲絳紗揚氏宅

時主文富楊子  
卷故有此句

半垂紅袖薛濤窻沈

花泛鷁詩千首靜衆尋梅酒百缸若說絃歌與風景主

人兼是碧油幢

成都文類卷十二

不知何似杏園春

答李搏

唐裴庭裕

何勞問我成都事亦報君知便納降蜀柳籠堤煙矗矗  
海棠當戶鶯雙雙富春不並窮師子濯錦全勝旱曲江

高捲絳紗揚氏宅

時主文寓揚子  
卷故有此句

半垂紅袖薛濤窻浣

花泛鷁詩千首靜衆尋梅酒百缸若說絃歌與風景主  
人兼是碧油幢

成都文類卷十二

聖鸞凰之集於丹山而珠貝之聚於紫淵也二盜虐蜀上  
以乖崖張公詠為樞密直學士守成都以經略之是時  
朝廷文學諸彥盡賀西南之得人悉發詠歌道此榮選  
英國李公至以尚書左丞侍章聖於儲邸亦以二章紀其  
行其詞清麗典則最為絕唱歲久矣人不能完誦之後  
七十年其孫駕部郎中復來倅府事因自家集得之將鏤  
石於乖崖祠中以永其存且俾同叙厥事同竊謂二公並  
以器業閎博被兩朝眷遇之厚而乖崖治蜀之術實天

聖鸞鳳之集於丹山而珠貝之聚於紫淵也二盜虐蜀上  
以乖崖張公詠為樞密直學士守成都以經略之是時  
朝廷文學諸彥盡賀西南之得人悉發詠歌道此榮選  
英國李公至以尚書左丞侍章聖於儲邸亦以二章紀其  
行其詞清麗典則最為絕唱歲久矣人不能完誦之後  
七十年其孫駕部郎中復來倅府事因自家集得之將鏤  
石於乖崖祠中以求其存且俾同叙厥事同竊謂二公並  
以器業閎博被兩朝眷遇之厚而乖崖治蜀之術實天

先教公論洽朝倫僮穿疊嶂經秦路馬踏殘陽入蜀塵  
即看頌聲聞帝里便徵黃霸秉陶鈞

寄金繩院正因大師

薛奎

僧中憶藝本超羣釋氏蒙求見討論

師著釋氏蒙求已傳印於蜀中也

儒行合為文暢侶

昌黎先生送文暢師序云墨名而儒行

詩名雅作貫休

孫

金繩即貫休舊院藻即休之法系也

心燈久已傳宗意命服仍嘗錫帝

恩宴坐梅檀消篆字眼前闌闌任囂喧

送鈐轄館使王公

程戡



歸騎翩翩去路賒，鬱葱佳氣望天涯。  
艱危劍閣三千里，惠愛刀州十萬家。  
龍尾道邊瞻日彩，鹿頭關外別春華。  
金明扈從宸游處，休憶連年泛浣花。

同前

田瑜

閬外膺宸寄，坤維握虎兵。  
真純逾璞玉，方重敵長城。  
肯構詩名著，

先令公有塞垣詩  
集輔臣尤長篇詠

承家將略明，四年凝茂績。

一節促歸程，水際旌旗影。  
風前鼓吹聲，西州懷惠愛。  
北闕被恩榮，護衛親嚴近。  
雍容侍穆清，分携暫銷黯。  
良會

在神京

同前

靳宗

再任坤維報政成  
紫泥恩詔下神京  
搖鞭有客添歸興  
折柳何人不愴情  
杜宇江山經鳥道  
海棠池館憶龜城  
罇前執手難收淚  
投分從來比弟兄

同前

高惟幾

游宦俱為關外人  
與君五看海棠春  
園林選勝聯鑣徧  
風月相思命駕頻  
大旆先時辭蜀道  
短轅何日見京塵

子牟又起離羣恨欲操行祛重愴神

同前

王景

四稔總兵鈴輕裘壯子慙抗稜遐徼伏敢信遠民諳赴  
召薰風布離襟臘酒酣吾皇思將帥有意在燕南

同前

李畋

都毅詩書奕世傳西人歌德別戎旃三朝功業標勲府  
四稔恩綏播蜀川耦射隔花聞破帖分題臨沼間中筵  
歸朝聖旨俞僉望畿內封侯養重權

同前

解程

武帳推恩詔十行雍容鳴玉覲清光四年愛日民謠決  
五月炎風驛路長劍閣烟雲迷去旆柳營笳鼓慘離觴  
浣花紙貴傳新集留得詩名繼許昌

同前

張靖

保塞昔年嘗閉壘甘陵今歲又勞師將軍鎮蜀功多少  
不見干戈出虎皮

又

前人

同前

解程

武帳推恩詔十行雍容鳴玉覲清光  
四年愛日民謠浹五月炎風驛路長  
劍閣烟雲迷去旆柳營笳鼓慘離觴  
浣花紙貴傳新集留得詩名繼許昌

同前

張靖

保塞昔年嘗閉壘甘陵今歲又勞師  
將軍鎮蜀功多少不見干戈出虎皮

又

前人

疇庸當便進班聯聖神倚注期蕃錫宥密崇高待九遷  
下客塵勞遇知己願言攀附跂英躔

同前

范鎮

西南一都會事簡復人和列戶如安堵中軍只雅歌召  
音嚴信節歸思趣鳴珂欲識斯民愛當途涕若沱

同前

黃均

四年軍法表巴邛歸騎俄乘紫漢風家緒舊傳三榮貴  
將材元蘊萬人雄錦城離思雲容斂山國行章旆影紅

疇庸當便進班聯聖神倚注期蕃錫宥密崇高待九遷  
下客塵勞遇知己願言攀附跂英躔

同前

范鎮

西南一都會事簡復人和列戶如安堵中軍只雅歌召  
音嚴信節歸思趣鳴珂欲識斯民愛當途涕若沱

同前

黃均

四年軍法表巴邛歸騎俄乘紫漢風家緒舊傳三榮貴  
將材元蘊萬人雄錦城離思雲容斂山國行章旆影紅

府威名播齋壇世閱高歷橋題駟馬揚旆啓三刀矍鑠  
前謀大澄清此志豪忠臣希子貢民頌繼王褒臘市繁  
千蓋春江漲萬艘浣溪雲粉薄公暇廢援毫

程密學知益州

宋祁

墀塗畫對別堯堯細札芝泥襲綬馨三蜀舊臺呼輻寵  
十連新府夢刀靈雲梯霽日明鈎棧雨閣蒼苔蝕劍銘  
只恐廉襦歌未厭熒煌歸應六符星

贈楞嚴舒公上人

前人



丈室錦城隈庭閑地徧苔飯從香積取花續少林開講  
畫經殘葉禪宵燭委煤無嫌一時學要是暮雲才

九河尚書祠堂詩

并序

趙抃

嘉祐中翰林侍讀學士太原王公牧成都以乖崖之  
昔守於益也豐功茂烈浸灌其下祖傳嫗授世世稱  
述乃謂其僚曰漢文翁始以學校化斯民民既被文  
采識倫理皆德之立石室以祠未嘗輒廢至今唐韋  
南康駐節久之圉捍蕃詔虐不及內元元蒙休繪容

植宮無戶無矣竭誠薦潔稱盡所報二公者利既惠  
於蜀人而蜀人奉二公之威靈亦已深矣惟我文定  
公當二宗之付畀其西南也整輯破碎為立矩法除  
殘解弊安養煦咻度越四紀爛然風跡近世凡將舉  
良吏之首者其誰先之而曾未若二公者得以廟居  
享祀事下必有以懍然而為其上者豈不謂陋於從  
民之欲者乎遂卜地營宇壯偉宏麗他日列部編邑  
扶老提穉鷄豚薰幣山擁川集爭獻廷下歎伏欣喜

來者漫漫無有虛日是時今大尹龍圖趙公以彈察  
之職總轉輸之任景賢樂善重此建置乃抒己之意  
緝民之聲形於詠歌以侈厥事太原公與按憲蘇侯  
咸屬其韻流於里巷萬口騰習後五年龍圖公復此  
鎮臨蘇侯亦繼領將漕間問前句失於紀刻追誦搜  
錄宛然盡在圖鏤堅礎以寘諸壁願屬吏同使序其  
略同既鋪列所事復系之以歌曰歸爾之祠兮鏗然  
之詩兮乃民之宜兮千萬年之思兮噫後之人瞻於

是讀於是能不如召伯之棠愛之而不忍去羊公之碑覽之而涕無從者耶

來歟祠堂意謂何垂崖才業造中和三千里外留恩照六十年來播頌歌絕俗清名光竹帛平生高節聳岷峩公令治葺追賢範更使西州受賜多

同前

王素

閣中遺像若星羅獨向乖崖仰惠和後政人人作師表萬民口口是謳歌恩如流水常融漫德似高山鎮岌峩

是讀於是能不如召伯之棠愛之而不忍去羊公之碑覽之而涕無從者耶

來歎祠堂意謂何垂崖才業造中和三千里外留恩煦六十年來播頌歌絕俗清名光竹帛平生高節聳岷峩公今治葺追賢範更使西州受賜多

同前

王素

閣中遺像若星羅獨向垂崖仰惠和後政人人作師表萬民口口是謳歌恩如流水常融漫德似高山鎮岌我

孔翠光華不自勝好事僮兒歌已遠爭傳牋紙價還增  
羣居豈弟吾儒行鄒魯風流喜重興

奉酬宋君見詒之作

前人

非才衰晚玷恩榮假節西來鎮錦城遠慕文翁興舊學  
竊希何武見諸生銀袍冉冉朝先聖玉樹森森識衆英  
傳道喜將師席正尚稱官闕禮為輕

蜀道篇送別府尹吳龍圖

郭祥正

長吟李白蜀道難蜀道之難難於上青天長蛇并猛虎

孔翠光華不自勝好事僮兒歌已遠爭傳牋紙價還增  
羣居豈弟吾儒行鄒魯風流喜重興

奉酬宋君見詒之作

前人

非才衰晚玷恩榮假節西來鎮錦城遠慕文翁興舊學  
竊希何武見諸生銀袍冉冉朝先聖玉樹森森識衆英  
傳道喜將師席正尚稱官闕禮為輕

蜀道篇送別府尹吳龍圖

郭祥正

長吟李白蜀道難蜀道之難難於上青天長蛇并猛虎

之往也九重深拱堯舜聖廟堂論道丘軻賢撫綏斯民  
賴良守平平政化公能宣束兵興學有源本何必早夜  
開華筵嘗聞家家賣釵釧只待看舞青春前此風不革  
久愈薄稔歲往往成凶年噫吁嘻今我無匹馬安得從  
公遊盡書政績來中州獻之明堂付太史陛下請捐西  
顧憂

贈琴臺副正永大師

趙抃

寺古若郊垌門無車馬聲我來聞衆說人少到師清錦



水千波靜銀蟾一指明幽琴徐抑按真不負臺名

新繁縣秘藏院留別鄉知

梅摯

佛住三朝恐愛生人歸一歲豈無情鄉親鄉友銷魂地  
岷水分為隴水聲

寄甘露舒公上人

雷簡夫

成都多少寺梵學競推能到老不破戒滿城唯此僧池  
龍聽夜講海客施年燈別後空相憶塵勞正可憎

得賢詩

范鎮

摺紳先生耆老大夫倚輒而嘻共游一涂鎮趨而過  
之顧且言曰昔王褒為部刺史作中和樂職宣布之  
詩大猷闡於往初餘光照於來今漢之聲明已是著  
矣今神宋垂統興仁闡化疏恩漏寵海隅蒼生固不  
丕冒禔福天子念西州之遠重刺史之任故昌黎公  
之來也寬大以布詔書簡肅以濟治具仁風淳流德  
美充格意其自漢變巴之俗易蜀之報鉅公實儒安綏  
是邦上下千載間金聲而玉振正在於此辰乎上方

議天下大器羣生重畜置之禮樂毆之仁壽故下節  
以召公鎮列在左右生親炙顯列豈可使王褒專美  
有漢鎮恍然覺悟退而為得賢詩章以獻

宋御寓內垂八十載蜀當坤維為一都會昔我公來坤  
維既泰今我公歸寓內蒙賚

和成都吳仲庶見寄五首

前人

歲華今緩昔如流舊日樊籠新自由官事了來無盡極  
人生安處且閑休愚忠皎皎丹心老歸思綿綿兩鬢秋

縱使海棠時節過急行須及浣花遊

濯錦江深惠澤流西人都未究蹤由耕疇擁耒春還動  
織戶鳴機夜不休講德定應勞四子富民須合用千秋  
鳳凰池上需賢久却恐龜城作暫遊

抖擻塵衣若襖流要求煩惱亦無由身從退後平生足  
心到閑來萬事休學舍喜看諸子課農郊欣見大田秋  
府畿去秋大稔  
冬又多宿雪  
吾王輿馬聲音好時願金明一豫遊  
子家

城西去  
池頗近

縱使海棠時節過急行須及浣花遊

濯錦江深惠澤流西人都未究蹤由耕疇擁耒春還動  
織戶鳴機夜不休講德定應勞四子富民須合用千秋  
鳳凰池上需賢久却恐龜城作暫遊

抖擻塵衣若襖流要求煩惱亦無由身從退後平生足  
心到閑來萬事休學舍喜看諸子課農郊欣見大田秋  
府畿去秋大稔  
冬又多宿雪  
吾王興馬聲音好時願金明一豫遊

子家

城西去  
池頗近

後無衙喏旬頭有俸錢何須駕白鶴辛苦上青天

送羅郎中登管勾玉局觀

前人

五門門裏觀松檜日蕭疎道話忘心境仙歌作步虛壇  
場高突兀廊廡四紆餘世事多紛擾君心定了如

送程端明再鎮成都

前人

成都一都會千里帶坤維自昔公坐嘯至今人去思朝  
廷慎東注方面要安綏遂爾重藩屏因之職殿帷龍光  
出劍外謳頌走江湄曉雪離都馭春風入境旗壺漿故

後無衙喏旬頭有俸錢何須駕白鶴辛苦上青天

送羅郎中登管勾玉局觀

前人

五門門裏觀松檜日蕭疎道話忘心境仙歌作步虛壇  
場高突兀廊廡四紆餘世事多紛擾君心定了如

送程端明再鎮成都

前人

成都一都會千里帶坤維自昔公坐嘯至今人去思朝  
廷慎東注方面要安綏遂爾重藩屏因之職殿帷龍光  
出劍外謳頌走江湄曉雪離都馭春風入境旗壺漿故

道長在志天恩弗忍尤去思何處見公論滿田疇

韓太丞同守成都三首

前人

盛府佳招貴嚴宸雅寄深與題仲舉坐闕掛子牟心漢  
竹分新契潘花過舊陰當年百里驥方此試駸駸

近境連桑陌先遊盛竹林

大阮中嘗任西蜀

併將懷舊意持作

惠時心藻思春生筆清機月滿襟成風錦江曲迴上玉

山岑

春色草將深春寒柳未陰青天指行棧淥水蕩離襟後



乘何為託前旌喻此心南枝倦飛翼憑為寄歸音

寄成都吳龍圖同年

司馬光

照席燭花煖隨車劍騎寒江山資秀句風月助清歡政  
簡坤維靜仁深井絡安行歌與獨酌豈得並閒官

仲庶同年兄自成都移長安以詩寄賀 前人

蠶叢龜印解鶉野隼撫新借問錦江樂何如興慶春驪  
歌遮去轍竹馬望行塵惠政如膏雨遙知彼此均

送趙殿丞

象字

子輿歸成都

祀明堂禮畢子輿新升  
朝以恩官其父大理評

欽定四庫全書

成都文類  
卷十三

五

事賜詔歸寧得其除書以俱二三  
同舍為詩以紀其美僕得回字

前人

蜀棧錦衣來高堂綬笥開恩輝同日至喜色共春回  
馬過鄰社朝裾捧壽杯吾生無此樂空使寸心推

送程端明猷知成都

前人

高陽將幕開濯錦使旌來欲識闕頭雪正如江上梅  
霄衣矜遠俗雲冕寄良才豈待三年最修梧茂帝臺

送羅郎中登管勾玉局觀

前人

官名為玉局已與俗塵疎鐘出寒松迴香疑古殿虛鄉

間非甚遠俸祿豈無餘誰道神仙樂神仙恐不如

送家安國教授歸成都

蘇軾

別君二十載坐失兩鬢青吾道雖艱難斯文終典刑屢  
作退飛鷗羞看乾死螢一落戎馬間五見霜葉零夜談  
空說劍春夢猶橫經新科復舊貫童子方乞靈須煩凌  
雲手去作入蜀星蒼苔高臥室古柏文翁庭初聞編簡  
香稍覺鋒鏑腥岷我有雛鳳梧竹養修翎嗚呼應嶰律  
飛舞集虞廷吾儕便歸老亦足慰餘齡

送家安國赴成都教授三絕

蘇轍

城西社下老劉君春服舞雩今幾人白髮弟兄驚我在

喜君遊宦亦天倫

微之先生門人惟僕與子瞻兄復禮與退翁兄皆仕耳

垂白相逢四十年猖狂情味老俱闌論兵頓似前賢語

莫作當年故目看

石室多年款誌平新書久溷里中生遣師今見朝廷意

文律還應似兩京

送高士敦赴成都兵鈐

前人

送家安國赴成都教授三絕

蘇轍

城西社下老劉君，春服舞雩今幾人。  
白髮弟兄驚我在，

喜君遊宦亦天倫。

微之先生門人，惟僕與子瞻兄復禮與退翁兄皆仕耳。

垂白相逢四十年，猖狂情味老俱闌。  
論兵頓似前賢語，

莫作當年故目看。

石室多年款誌平，新書久溷里中生。  
遣師今見朝廷意，  
文律還應似兩京。

送高士敦赴成都兵鈐

前人

側身斂足未動者實以累朝恩澤隆公之初來蜀人喜  
慈愛舊熟民情通衆心歡然恥犯法救藥浮薄還淳風  
公歸朝廷問誰代當使間作如笙鏞遂求元老得青社  
其人廊廟之宗工往年鎮撫有異績大旆再遣來於東  
公今與之合符去到必奉詔參覈龍英資舊德固無慮  
剖判自出其心曾所憂厥後嗣之者忠定良法還如空  
養頑活狡作淵藪不免剪殄煩興戎同之憤懣久填臆  
言賤不得通九重願公上殿起居罷第一用此聞宸聰

側身歛足未動者實以累朝恩澤隆公之初來蜀人喜  
慈愛舊熟民情通衆心歡然恥犯法救藥浮薄還淳風  
公歸朝廷問誰代當使間作如笙鏞遂求元老得青社  
其人廊廟之宗工往年鎮撫有異績大旆再遣來於東  
公今與之合符去到必奉詔參變龍英資舊德固無慮  
剖判自出其心曾所憂厥後嗣之者忠定良法還如空  
養頑活狡作淵藪不免剪殄煩興戎同之憤懣久填臆  
言賤不得通九重願公上殿起居罷第一用此聞宸聰

有行詩稱遠父母饑寒日月長蓬華風雨漏大喻前致  
詞灑淚濕衣袖荷德固已深緘情亦須剖上言親未塋  
心欲土自負下述妹未笄婢無傳姆還家復獻書自  
叙貧且陋鉉華世所悅銅臭非吾偶肯効閭閻碌碌  
逐雞狗世無梁伯鸞應嫌孟光醜孔明若再生承女甘  
箕箒陳義一何高夫人驚拊手至今書藁在光輝射星  
斗董子慕高風喜曰真吾婦吾親雙白髮吾弟室未授  
媵言姊妹賢可以相先後五兩幣雖輕意則千金厚輜



軒雙造門觀者競奔走女子尚能爾男兒宜自守重聘  
或不來豈欲終畎畝畜德尚未充高位亦虛受寄語事  
君者慎勿輕去就

上席帥

喻汝礪

先公御史如御兵迎刃而避如庖丁掀髯一笑黠吏走  
蜀中草木知威名伯兄渠渠天下士嵩高少室之英靈  
妙齡提書噉閭闔欲議可以諧韶醵昨年兩作益州牧  
西南惡少不敢行後來繼者有季弟潭潭大度涵滄溟

指麾萬事不作意決皆雨電風煙雲南望娥眉西玉壘  
逸氣夜與銀河傾幅巾筇杖過何許閑邀仲元訪君平  
小蓬董寶夜吹笙往往笑倒長庚星拔劍起舞者誰子  
杜陵老翁醉不醒生年入眼無俗物胡為見我眼自青  
武侯廟前有古柏風吟雨蔽蛟龍聲我來正欲剗爾腹  
琢作巨屋丹其楹琢作巨屋丹其楹繪此落落三名卿  
尚使千載知儀刑喻子作詩如鼎銘

送孫正忠臣移成都小漕

楊天惠

升平芝菌效神奇況乃賢豪用世資人物熙寧中興日  
風流荆國適同時起家便作三公客乘傳何為九折馳  
少府但分新賜節石渠猶借舊官儀素心久辦經綸計  
妙意前知遇合期聊與西南成勝事暫將清獻續良規  
橋橫萬里重開府水接雙流共去思怊悵叅卿無限意  
道旁索筆強題詩

送吏部尚書張公帥成都詩

朱翌

已未九月有旨謀成都帥三省具所除人以聞皆不

計止命選在廷從臣以往衆未及對上曰得一人矣吏部尚書張燾明練端方可當一面付以便宜勿從中覆且命退與公議公見宰相願行不辭乃以十月六日制下吳蜀相望一萬里水溯瞿塘灩澦陸走夔峽極天下之險有為公言者公曰上用我何遠之辭何險之畏退理舟楫行日甚近於是士大夫不問識與不識皆謂公宜在朝廷不必往成都成都可他擇才朝廷不可無公也御史中丞具以輿言白上夫內重

計止命選在廷從臣以往衆未及對上曰得一人矣吏部尚書張燾明練端方可當一面付以便宜勿從中覆且命退與公議公見宰相願行不辭乃以十月六日制下吳蜀相望一萬里水遡瞿塘灩澦陸走夔峽極天下之險有為公言者公曰上用我何遠之辭何險之畏退理舟楫行日甚近於是士大夫不問識與不識皆謂公宜在朝廷不必往成都成都可他擇才朝廷不可無公也御史中丞具以輿言白上夫內重

年蒙公之最深故為詩千字叙公出處大槩且使蜀人知公不減前兩張太守也紹興九年十月二十五日序

一代亨衢上明公逸步超河東書具作圯下老相邀海闊雲垂翼天清斗壓杓三人前鼎甲千佛仰孤颺弟子師尊董諸儒稱述蕭西崑收俊乂東壁絕塵囂別乘將離汴輕舟徑指苕湖山縱清美家國正飄搖慟哭天傾柱歸情戶見蛸奉祠投里閭招隱向山楸竝海屯千衛

年蒙公之最深故為詩千字叙公出處大槩且使蜀人知公不減前兩張太守也紹興九年十月二十五

日序

一代亨衢上明公逸步超河東書具作圯下老相邀海闊雲垂翼天清斗壓杓三人前鼎甲千佛仰孤颺弟子師尊董諸儒稱述蕭西崑收俊乂東壁絕塵鷺別乘將離汴輕舟徑指苕湖山縱清美家國正飄搖慟哭天傾柱歸情戶見蛸奉祠投里閭招隱向山楸竝海屯千衛

乾沒許國敢輕佻河洛腥羶裏陵原草木焦青春深使  
節久雨更乘槎取道先轅楚揚旌轉

闕

世

九廟正三召遂使儀如漢將令樂奏韶路迷彪過迹澗涸  
夜生潮去日春仍淺歸期暑正熯君王喜不寐天下首  
方翹疏奏中無隱臣生苦不聊戴天那忍共得地豈宜  
驕內治今當亟高名

闕

真有託啓事復何遼

道直咸推汲謀深肯計

闕

寧要插蟬貂袞

貶書方舉姦諛骨合銷懷開真坦坦

闕

自天天當宁



西南顧常懷參井迢徧詢醫國効立遣愈民疇文武資  
兼稟詩書帥欲驍衆皆可卻穀一以委張昭除日凌晨  
下行裘即日撩被携猶刺刺涉遠乃脩脩帆影三江水  
車聲萬里橋丈人峯律亢神女峽岩堯石室畫閣淡草  
堂人寂寥山圍玉壘峻水減石屏遙石表筍雙立銅青  
柏未凋錦江喧士女藥市混農樵劫墮乾坤壞流橫海  
岳漂惟茲井絡外依舊角弓弔自昔三刀夢多傳五袴  
謠威餘嚴僕射功說李文饒文定崇尤美乖崖福可徼

欽定四庫全書

唐宋文苑  
卷十三

事今難悉數公亦宣其苗秦地新通棧瞿塘穩泛橈虎

貌環外閫未耜得

闕

穠哥供壺奕隨宜列鼓簫蒲鞭束

高閣竹馬戲垂髫好閱相如賦終閑李廣刁奎文天象

轉延閣士林標此去

闕

無愈行聞衆選陶付之樞極運

咸仰泰階霄賤子無三徑平生有一瓢老將書蠹稿時

作草蟲嚶大笑玉三刖不

闕

銀十腰古今同閱宙南北

縱吹藻已類蜂粘網真成鹿覆蕉屢經多盜境幾至獨

身跳何處地堪避知誰戰敢挑月明三匝鵲巢卜一枝

鵝釣瀨長烹鯉窮山飽聽鴉臨書池盡黑就局博嫌么  
臂有七賢把丹亡九轉燒唯堪貫薜荔未肯搬崇囂賣  
藥難爭價為農或可劬稍能羞野葛初未識江珧已罷  
尋蛭岨欣聞退謁獠誰憐人為米敢有意遷喬過我深  
披藿追涼薄曳綃狐裘憐晏子縞帶與公僑挽引煩推  
轂陶甄為置窯清時容潦倒冊府着芻蕘憶昨西湖上  
隨公羽蓋飄青山迎晉屐綠水泛吳船上相尊仍美將  
軍饅亦嬌道爭棋屢覆壺響箭呈梟茶乳晴尤發香雲

靜更飄晚花樓嫩菊近岸俯游鱗西望天連水羣簪玉  
及瑤政親連榻坐修見賜戈琬良月霜楓冷佳晴雪霰  
稍留公已無策鼎食望加調

成都西南大都會承平分閭之重與河東北等元祐  
初潞文公平章軍國重事三省議其目而成都除帥  
預焉艱難以來獨此方兵旤不作封陲自固東捍秦  
南蔽吳楚選帥之慎十倍疇昔宜也紹興己未詔以  
吏部尚書番陽張公出鎮朝士之文者咸賦詩送行


靜更翻晚花樓嫩菊近岸俯游鱗西望天連水羣簪玉  
及瑤政親連榻坐脩見賜戈凋良月霜楓冷佳晴雪霰  
稍留公已無策鼎食望加調

成都西南大都會承平分閭之重與河東北等元祐  
初潞文公平章軍國重事三省議其目而成都除帥  
預焉艱難以來獨此方兵旤不作封陲自固東捍秦  
南蔽吳楚選帥之慎十倍疇昔宜也紹興己未詔以  
吏部尚書番陽張公出鎮朝士之文者咸賦詩送行

井轉轆轤猶能挹餘波袍子白紛紛有如鏡重磨愛汝似  
二父此地曾經過分職有十師聖門嚴四科儻非一萬  
卷難取二百禾我有十詠詩考古煩吟哦鼓鐘樂高文  
羽翼崇雄軻似聞禮殿柏久已尋斧柯古物天為惜蒸  
新鬼所呵堂堂公議地歲月窮義娥忍此恣橫說後來  
敢誰何我集四庫書琬琰藏洛河此外有石經參酌正  
舛訛熟讀懋汝學師友相切磋汝有屋三間竹墅連松  
坡日夜望汝成門戶高嵯峨我貧自有道一竿釣漁叢

井轉轆轤猶能挹餘波袍子白紛紛有如鏡重磨愛汝似  
二父此地曾經過分職有十師聖門嚴四科儻非一萬  
卷難取二百禾我有十詠詩考古煩吟哦鼓鐘樂高文  
羽翼崇雄軻似聞禮殿柏久已尋斧柯古物天為惜蒸  
新鬼所呵堂堂公議地歲月窮義娥忍此恣橫說後來  
敢誰何我集四庫書琬琰藏洛河此外有石經參酌正  
舛訛熟讀懋汝學師友相切磋汝有屋三間竹墅連松  
坡日夜望汝成門戶高嵯峨我貧自有道一竿釣漁簑

好在故意長  
啁耳念一洗  
遲君鳳鳴岡



成都文類卷十三